



ИНСОНИЯТНИ ТАРАҚҚИЁТ САРИ ЯНАДА ЖИПСЛАШТИРГАН «САМАРҚАНД РУҲИ»

Президент Шавкат Мирзиёев ЮНЕСКО Бош конференцияси 43-сессиясининг очилиш маросимида иштирок этиш учун 30 октябрь куни Самарқандга ташриф буюрди.



Ташриф доирасидаги барча тадбирлар Президент Матбуот хизматининг "YouTube", "Telegram" ва "Facebook"-даги расмий саҳифалари орқали жонли тарзда ёритиб борилди. Президент Матбуот хизмати хабарига кўра, давлатимиз раҳбари дастлаб

эзгу анъанага мувофиқ, Имом Бухорий макбарасини зиёрат қилди. Мажмуадаги сўнгги пардозлаш ишлари, худудда амалга оширилаётган ободонлаштириш жараёни билан танишди. Президентимизнинг ташаббуси билан мазкур мажмуа буюк муҳаддис бо-

момизнинг ислом оламида тутган юксак макъеи, улкан салоҳиятига муносиб тарзда қайтадан бунёд этилди. Зиёратчиларга ҳар томонлама қулай шароитлар яратилди. Мажмуа ҳудуди кенгайтирилиб, айни пайтда унинг умумий майдони 44 гек-



тарга етди. Мўътабар макбара, 10 минг кишилиқ масжид ва маъмурият биноси, музей, кириш ва чиқиш айвонлари қуриб битказилган. Зиёратгоҳнинг 4 бурчагидаги 75 метрлик миноралар унга маҳобат бағишлаган. Давлатимиз раҳбари янги масжид-

даги бунёдкорликни кўздан кечирди. Президентимиз ҳар гал Самарқандга келганида мажмуанинг қурилиши жараёни билан танишиб, бу жой фақат зиёрат эмас, илм-маърифат, тарбия ва ибрат маскани бўлиши, Имом Бухорийнинг буюк изланишлари, билими ҳамда

камолоти зиёратчилар, айниқса, ёшлар учун эзгу намуна бўлиши кераклигини таъкидлайди.

(Давоми 2-бетда).

Ўзбекистон Республикаси Президенти Матбуот хизмати суратлари.

ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВНИНГ ЮНЕСКО БОШ КОНФЕРЕНЦИЯСИ 43-СЕССИЯСИНИНГ ОЧИЛИШ МАРОСИМИДАГИ НУТҚИ

Ҳурматли Раис Жаноби Олийлари! Ҳурматли Азизе Хоним Олийлари! Ҳурматли делегациялар раҳбарлари! Сизларни асрлар давомида маданиятлар ва цивилизациялар чорраҳасида жойлашган бетакрор Ўзбекистон диёрида самимий қутлашдан беҳад бахтиёрман.

Конференциясиз сўнгги 40 йил ичида илк бор ЮНЕСКО Бош қароргоҳидан ташқарида — кўҳна ва ҳамиша навқирон Самарқанд заминиде бўлиб ўтмоқда. Бу бизга албатта катта ифтихор бағишлайди.

Фурсатдан фойдаланиб, анжуманимизда иштирок этаётган Сербия Президенти, ҳурматли Александр Вучич Жаноби Олийларига, Словакия Президенти, ҳурматли Петер Пеллегрини Жаноби Олийларига, ЮНЕСКО Бош директори Одри Азизе Хоним Олийларига, барча иштирокчи давлатлар делегацияларига чуқур миннатдорлик изхор этаман.

Бундай нуфузли форумнинг мамлакатимизда ўтказилаётганини Ташкилотга аъзо давлатларнинг Янги Ўзбекистонда амалга оширилаётган кенг қўламли, жадал ислохотларга бўлган юксак ишончининг ёрқин ифодаси, деб қабул қиламиз.

Шонли саксон йиллик юбилейини нишонлаётган ЮНЕСКО ўтган давр мобайнида таълим, илм-фан, маданият, санъат, ахборот соҳасида глобал ҳамкорлик, ўзаро ишонч ва ҳамжиҳатлик борасида жаҳондаги нуфузли институт сифатида ўзини намойён этиб келмоқда.

Ташкилотимизнинг дунё халқларининг миллий ўзгичлиги сақлаш, маданий меросини асраб-авайлаш, турли динлар ўртасида яқин мулоқотни кучайтиришдаги ўрни ва аҳамияти тобора ортиб бормоқда.

Анжуманимиз инсониятнинг тарих солномасига гуманистик ғоялар, нодир билимлар, цивилизациялараро мулоқот маркази сифатида кирган Самарқанд

шаҳрида ўтказилаётганида чуқур рамзий маъно бор.

Бу қадимий кент азалдан башариётнинг буюк кашфиётлари бешиги, илм-фан, адабиёт ва маданият гуллаб-яшнаган маскан бўлган. Биргина мисол. Улуғ ҳукмдор ва аллома Мирзо Улуғбек барпо этган расадхона гўмбазлари остида ноёб юлдузлар жадвали яратилган. Бу жадвал кейинчалик Коперник ва Кеплер каби машҳур олимларнинг илмий кашфиётлари очилишига хизмат қилгани тарихдан яхши маълум.

Уч минг йиллик шонли ўтмишга эга, Буюк Ипак йўлининг дурдонаси бўлган, миллат ва элатларнинг тинчлик ва дўстлик макони — муаззам Самарқандга хуш келибсизлар!

Ҳурматли хонимлар ва жаноблар! Шиддат билан ўзгараётган дунёда гуманитар соҳада глобал консенсус ва қўп томонлама ҳамкорлик механизмларининг заифлашаётгани, албатта, барчамизда жиддий ташвиш уйғотмоқда.

Геосиёсий кескинлик ва ҳарбий можаролар таъсирида сайёрамиздаги ноёб ёдгорликлар, муқаддас қадамжолар ва бебаҳо маданий мерос катта зиён кўрмоқда.

Давлатлар ўртасида билим ва технологиялар, рақамли ресурслардан фойдаланиш бўйича тафовут ортиб бормоқда. Бунинг натижасида имкониятлар тенгсизлиги ва қашшоқлик кучаймоқда. Бундай мураккаб вазият ЮНЕСКОнинг асосий вазифаларини тўлиқ амалга ошириш бўйича саъй-ҳаракатларимизни ҳар қачонгидан ҳам кўпроқ бирлаштиришни тақозо этмоқда.

Биз ЮНЕСКОнинг олийжаноб ва эзгу мақсадларига қатъий содиқ эканимизни яна бир бор таъкидлаймиз. Ўзбекистон Шарқ ва Ғарб, Шимол ва Жануб ўртасида уйғунлик кўприги, барча учун очик ва конструктив ҳамкорлик майдони бўлишга ҳамиша тайёр.

(Давоми 2-бетда).

ЎЗБЕКИСТОН ВА СЛОВАКИЯ: СТРАТЕГИК ШЕРИКЛИК ЯНАДА МУСТАҲКАМЛАНАДИ

Ўзбекистон Республикаси Президенти Шавкат Мирзиёевнинг таклифига биноан Словакия Республикаси Президенти Петер Пеллегрини амалий ташриф билан мамлакатимизда бўлиб турибди.

30 октябрь куни Самарқанд шаҳрида ЮНЕСКО Бош конференциясининг 43-сессияси доирасида Ўзбекистон Республикаси Президенти Шавкат Мирзиёев ва Словакия Республикаси Президенти Петер Пеллегрини музокара ўтказдилар.

Ўзбекистон билан Словакия ўртасидаги стратегик шериклик ва қўп қиррали ҳамкорлик муносабатларини янада кенгайтиришнинг долзарб жихатлари қўриб чиқилди.

Барча даражаларда икки томонлама алмашинувлар ижобий суръат билан давом этаётгани, шунингдек, устувор йўналишларда ҳамкорлик мустаҳкамланиб бораётгани мамнуният билан қайд этилди.

Жорий йилда сиёсий маслаҳатлашувлар ва Ҳукуматлараро комиссиянинг биринчи йиғилиши муваффақиятли ўтказилди. Ишбилармонлик алоқалари фаоллашди. Қўшма корхоналар сони уч баробар кўпайди.

Товар айирбошлаш ва инвестицияларнинг ҳажмини ошириш, шунингдек, муҳим тармоқларда саноат кооперацияси лойиҳаларини кенгайтириш масалалари муҳокама қилинди.

Ўзбекистондан тўқимачилик, чарм, мева-сабзавот ва бошқа ҳаридорғир маҳсулотлар, Словакиядан каучук, автомобиллар учун бутловчи қисмлар, фармацевтика ва

бошқа саноат товарлари етказиб беришни кўпайтиришга келишиб олинди. Шу мақсадда миллий маҳсулотлар кўргазмаларини ўтказиш, савдо уйлари очиш режалаштирилган.

Рақамлаштиришни ривожлантиришга алоҳида эътибор қаратилди. Банкларнинг киберхавфсизлик мониторингини юритиш ва юк ташимларни кузатишнинг илғор тизимларини жорий этиш бўйича қўшма марказ ташкил қилиш масаласини ишлаб чиқиш таклиф қилинди.

Словакия бизнеси билан автомобиль бутловчи қисмлар, тайёр сут маҳсулотлари ишлаб чиқариш ва бошқа йўналишларда ҳамкорликни янада кенгайтиришга тайёрлик билдирилди.

Гуманитар ва таълим алмашинувларини фаоллаштириш истиқболлари қўриб қилинди. 2026 йилда Братислава шаҳрида икки мамлакат ректорларининг биринчи форумини ўтказиш, туризм кўргазмалари ва ўзаро Туризм кунларини ташкил этиш таклиф қилинди. Тартибли меҳнат миграциясини йўлга қўйиш масаласига ҳам тўхталиб ўтилди.

Қўп томонлама майдонларда ўзаро қўлаб-қувватлаш, шунингдек, минтақавий ва халқаро аҳамиятга молик долзарб масалалар юзасидан фикр алмашилди.

Ў.А.

Ўзбекистон Республикаси Олий Мажлиси Сенатининг ўн биринчи ялпи мажлиси очилиши тўғрисида

Ўзбекистон Республикаси Олий Мажлиси Сенатининг ўн биринчи ялпи мажлиси 2025 йил 31 октябрь куни соат 10:00 да Тошкент шаҳрида Олий Мажлиси Сенатининг мажлислар залида ўз ишини бошлайди. Ялпи мажлис Сенатнинг "YouTube" тармоғидаги саҳифаси орқали тўғридан-тўғри ёритиб борилади.

Олий Мажлиси Сенати Ахборот хизмати.

ЮНЕСКО идеаллари билан уйғун эврилишлар

Кўҳна ва навқирон Самарқанд шаҳрида ўз ишини бошлаган ЮНЕСКО Бош конференциясининг 43-сессияси яна бутун дунёнигоҳини Ўзбекистонга қаратади. 1985 йилдан буюн илк бор Париждан бошқа шаҳарда ўтказилаётган мазкур нуфузли анжуманга Самарқанднинг мезбонлик қилаётгани бежиз эмас. Зеро, кейинги йилларда мамлакатимизда

ЮНЕСКО миссияси доирасига кирувчи таълим, фан ҳамда маданият соҳалари тараққиётига алоҳида эътибор қаратилмоқда ва бу дунё ҳамжамияти томонидан кенг эътироф этиляпти. Сессиянинг тантанали очилиш маросимида юқори мартабали меҳмонлар томонидан айtilган самимий сўзлар ҳам фикримизнинг яққол тасдиғидир.

изхор этаркан, ташкилотга аъзо давлатлар вакилларининг Самарқандда йиғилгани ўзига хос тарихий воқеа эканини — ЮНЕСКОнинг Бош конференцияси 40 йил ичида биринчи марта Париждаги Бош қароргоҳидан ташқарида ўтказилаётгани, унда иштирок этаётган делегациялар сони эса олдинги йиғилишдагидан кўплигини таъкидлади.

Одри Азизе хоним ўз чиқишида ушбу анжуманининг Самарқандда бўлиб ўтаётганида давлатимиз раҳбарининг ҳиссаси катта эканини алоҳида эътироф этди.

“Ўзбекистон Президенти Шавкат Мирзиёевнинг саъй-ҳаракатлари билан биз ёзувчи Амир Маъруф “Ер сайёрасининг Қуёш томонга энг чиройли бурилган ҳолати”, деб таърифлаган ушбу шаҳарда бўлиб турибмиз. Бу афсонавий жой бўлиб, унинг географияси ва тарихи

чилар, олимлар ва рассомларни ўзига жалб қилиб келган. Математика, география ва астрономияга қўшган ҳиссаси бугунги дунёда ҳам долзарб бўлган устоз Беруний каби олимлар, шунингдек, номи тиббиёт билан сиёноним бўлган Ибн Синонинг ҳам Ватани бўлган шаҳардаимиз. Мулоқот ва ўзини тушуниш орқали мазкур шаҳар ташкилотимиз мавжуд бўлишидан анча олдин ЮНЕСКО руҳини ўзида муҳассам этган”.

Эътироф

ЮНЕСКО Бош конференцияси 43-сессияси раиси Хондер Мухаммад Талха анжуман очилишидаги кириш сўзида ўзбекистонликларга қарата шундай деди: “Сизнинг гўзал юртингиз — Амир Темур, Бобур, Алишер Навоий юртида бўлиш мен учун улкан шараф. Бобур бир пайтлар “Бутун дунёда Самарқанд каби ёқимли шаҳарлар кам”, деб ёзганди. Ва мана биз цивилизациялар чорраҳасида жойлашган ушбу шаҳарда бўлиб турибмиз. Асрлар давомида ғоялар, тиллар ва анъаналарни олиб юрган саёҳат-

чилар, олимлар ва рассомларни ўзига жалб қилиб келган. Математика, география ва астрономияга қўшган ҳиссаси бугунги дунёда ҳам долзарб бўлган устоз Беруний каби олимлар, шунингдек, номи тиббиёт билан сиёноним бўлган Ибн Синонинг ҳам Ватани бўлган шаҳардаимиз. Мулоқот ва ўзини тушуниш орқали мазкур шаҳар ташкилотимиз мавжуд бўлишидан анча олдин ЮНЕСКО руҳини ўзида муҳассам этган”.

Юксак минбардан туриб айtilган бу сўзлар замирида мамлакатимизнинг шонли тарихи ва буюк аждодларимизга

